

# Sustegn per tschintg buns projects rumantschs

## Concurrenza per promover la cultura professiunala

DA GION NUTEGN STGIER / ANR

■ **Per quella concurrenza è vegnids inoltrads en tut 46 projects. Ier ha l'uffizi da cultura publictà ils nums da las diesch personas e lur projects ch'il chantun sustegna mintgamai cun 20000 francs. La mesadad da las contribuziuns va a projects da l'intschess rumantsch.** Già per la 18. giada ha il chantun Grischun publictà quest onn ina concurrenza per promover la lavur culturala professiunala per projects pli gronds. En tut è vegnids inoltrads 46 projects ed il termin d'annunzia è lura scadi mez mars 2015. Tranter las annunzias figuravan er numerus projects rumantschs. Cusseglia guvernativ *Martin Jäger*, schef dal departament cultural, ha ditg ch'il fatg che tants projects sajan vegnids inoltrads conferma ina giada dapli quant vasta che la cultura saja en il Grischun. Cultura saja quai che nus pensian, esprimian e fetschian. Cultura saja identitad e restia identitad. En cumparaziun cun auters chantuns haja la cultura en il Grischun ina gronda muntada, ha menziunà il president da la regenza grischuna. El saja cuntent ch'il chantun Grischun disponia d'ina ferma cultura populara, quai che noss numerus chors, las bleras musicas e las bunas gruppas da teater confermian. Ultra da quai saja noss chantun er in lieu interessant per quels che s'occupian cun la perscrutaziun da la cultura.

### Professiunalitad ed autenticitad

La cumissiun da concurrenza ha giuditgà 46 dumondas en las suandantas spartas: art

applitgà (4), art figurativ (20), film (3), istorgia e memoria (2), litteratura (4), musica (8), saut (2) e teater (3). Cun las contribuziuns ad ovras promova il chantun Grischun projects culturals artisticamain interessants, independents e realisabels. Las contribuziuns vegnan pajadas ad artistas ed

artists che demussan in potenzial da svilup en lur activitad. Il sustegn finanziel als duai procurar la libertad necessaria per elavurar lur ideas e lur projects e per sviluppar vingan lur activitad artistica. Ils criteris per la selezziun èn la professiunalitad e l'autenticitad d'in concept, la confruntaziun seriusa

e profunda cun la cumpetenza professiunala sco er l'originalitad e la vardaivladad. Las suandantas diesch artistas ed artists survegnan ina contribuziun ad in'ovra d'in import da mintgamai 20 000 francs:

### Jann Duri Bantli

Sparta: Litteratura, istorgia e memoria

Titel: Project dal cudesch «Marco Camenisch»

### Pascal Gamboni

Sparta: Musica

Titel: Project da musica «Paisch el cor per Paul Anselma»

### Ursina Giger

Sparta: Musica

Titel: Project da musica «Ursina fa in album»

### Silvio Huonder

Sparta: Litteratura

Titel: Project da cudesch «Rauch»

### Alvin Muoth

Sparta: Musica

Titel: Grond oratori mundan per chor e per orchester, «Egl artg dils meins» che sa basa sin 12 texts nunpublitgads dad Arnold Spescha

### Cordula Seger

Sparta: Istorgia e memoria

Titel: «Chesa sur l'En a San Murezzan – biografia d'ina chasa»

### Ester Vonplon

Sparta: Art figurativ

Titel: Project d'art «Otavia»

### Roman Weishaupt

Sparta: Teater

Titel: Project da teater «E tgei resta E tgei resta»

### Dominik Zehnder

Sparta: Art figurativ

Titel: Project d'art «tracce»

### Thomas Zindel

Sparta: Art figurativ

Titel: Project d'art «TEC NEV»



Pascal Gamboni è ina da las personas che ha inoltrà in project che vegn sustegnì dal chantun.

FOTO R. CANAL